

空同先生集卷第十六

比郡李夢陽撰



詩

五言古詩五十七首

贈寄別三十一首

登東城樓晚下樓作贈同遊數子二首

寄贈端溪子二首

贈蒼谷子

贈青石子二首

贈劉潛

贈崔子

贈孫生

贈王生二首

贈崔生

贈魏子二首

三士篇贈醫李鄭張

寺遊別熊子四首

甲申中秋寄陽明子

贈李世德

寄贈王溪子

初秋上方寺別鄭生

贈鄭生三首

寄程生

贈梅國子

贈定齋子

感述一十二首

雨後往視田園同田熊二子二首

庄上晚歸車阻于潦渠徒步始達于岸

山夜

蒸熱三子過我東庄

田園雜詩五首

秋詩二首

詠物一首

詠鷺

贈寄酬別三十一首

登東城樓晚下樓作贈同遊數子二首

登高散涼目隕然日云暮逃暑良已厭戀景復延顧

廣野起暝色層闌合昏霧眷言樓中客共此城上步

蚊虫撲面游蝙蝠時自度二儀但莽莽一氣黯迴互

晝夜本定理明晦非難悟日入各言息鐘鳴復馳驚

齒萃宋帝閣突兀信陵墓往似宿沙禽來如綴花露

徒倚千仞梯長誼發悲悰

二

盛陽麗樓臺爛如錦繡錯日入暝煙起俯視但冥漠

即此悟人理天道固可度動靜啓晦明代謝有今昨

涼飈逐夕興迴聲滿虛閣四顧水明滅宿鳥喧相索
啞啞啼城烏噉噉上雲鶴怵怛感晨暮徒倚罷觴酌
北斗忽復低西月隱長薄閃爍海光動翕沓氛霧廓
無恃黑頭在早定滄洲約

寄贈端溪子二首

嘆鳳世已遠悲麟竟何爲蘭蕙秘幽巖蕭艾盈路岐
君子抱明德傷也誰復知隨流非我心特立乃見疑
亭亭南山松匪無霜霰摧寒蕤但不改孤貞常自持

二

智者尚高契達人慕希聲曠世有相感同時悵難并
烈風起玄朔百卉忽以零登高望所思慨焉念徂征

鴻鴈序翅飛麋鹿呦呦鳴爲言明馨子盍簪終有成

贈蒼谷子

玄雲翳白日積陰何漫漫風氣日以淒泥雨常不乾
漂穉委川塗百卉良可嘆覽物懷伊人撫時悲涼寒
憂來如亂絲理之棼無端爲霜念逝鴿多露怨芳蘭
所嗟聲影隔匪懼馨香殘徒把瑤華音長謠望林巒

贈青石子二首

高鳥有違羣離獸多悲音懿彼婉孌子悵焉分此襟
朝發南河隅夕暮乃北岑玄雲旣無極黃波浩且深
君其四海翔無言還舊林

二

季秋凋羣木寒潦濫中軌笳鼓濟方舟軒車匝河涘
攀德惜遙邁悵分睇馳晷采蘭徒情結把菊爲誰美
願子厚衣襦霜路自茲始

贈劉潛

人生無常因飄如風中雲昔別大江隅今也長江濱
涼飈起霜夕隕葉何紛紛我菊有佳色毅然獨芳芬
遲速良有時勉哉樹高勲

贈崔子

鯤魚游北溟鳳鳥翔南涯扶搖非無運鳴世自有期
顯夫競鐘鼎遁士潛蒿藜駟馬豈不榮泉石安且怡
悠悠西山人匪爲薇蕨飢寄言青雲客策勲及今茲

贈孫生

古人種桃李不爲攀其花君子振英芬豈在文與華
炎陽赫晴彩百卉流丹霞蕢彼東園實纍纍一何嘉
采者自成蹊舉世徒咨嗟

贈王生二首

鳳鳥世希有衆人常見疑一朝下西周戛焉鳴高岐
光彩照四極觀者驚以咨神物耻自衒卑鄙甘見欺
驥馬匪伯樂鹽車空號悲燁燁豐城劍非華誰固知

二

伯牙違鍾期有琴不復彈茲意奚以取良爲知音難
得失有榮枯合離成怨懽黃鵠戾天雲玄鴻漸河干

淺夫貴多矜狹士賤自殘幸子固明志顯塞察所安

贈崔生

伊昔振我衣連步千仞岡巖谷窈疑阻岐徑回羊腸
與者咸莫從子也乃同行舉手撼天樞縱目攬大洋
星斗何歷歷海波浩茫茫登山貴及顛涉水非無航
願言窮高深念哉母相忘

贈魏子二首

霖潦久迺歇晨興送還輶野寒泥淖盛念茲途路修
人生苟相許豈必曾綢繆踟躕東路岐贈子雙吳鉤

二

八月浙潮滿念子鼓南楫海月團會峰山峰下江葉

里閭多宴娛仕宦有榮業早回北向轅晝日望三接

三士篇贈監李鄭張

嚴飈厲時威稿葉下榮木春風一以敷病草奄回綠
天道豈常肅人事有還復七情既吾賊六淫乃爲殞
農經發玄旨軒問擴英馥代殊理易昧行乖計相逐
陳荻抱絲息寒根蘊真育李生起專門鄭子振容谷
張也剖金匱奏効更神速飲橘祗自銜種杏亦可惡
誦我三士篇聊以助清穆

寺游別熊子四首

天地固常爾遇之情不同但看搖夏樹何似飛秋蓬
古來死離人豈必窮與通默默兩無語坐披琳殿風

夕風起涼閣入耳松撼撼當此佳勝區誰忍遽離析
簷鶴戛戛鳴蘿翠滿衣席異時冠蓋場倘憶幽賞跡

三

散眸七寶地觴爾孤雲臺一望碧烟合四面清風來
流影盪我前炎樹生秋哀一笑問天地劫灰安在哉

四

獨立臺上閣俯茲城下湖爲問黃金魚徑尺今有無
愚者人盡笑賢之乃謫誣二者吾適從不如乘海桴

甲申中秋寄陽明子

風林秋色靜獨坐上清月眷茲千里共眇焉望吳越

窈窕陽明洞律兀芙蓉闕可望不可即江濤滾山雪

贈李世德

豢畜不生麟鸞穴無鷗鶴求水貴求源佳木無惡條
李門世清修三輩燁雄超黃扉早殺翮中葉乃淪凋
生也困逾勵奮飛竟雲霄大鈞幹神化萬物隨生消
英英畹中蕙化爲艾與蕭願堅謀始心全我金石要

寄贈玉溪子

松檜不棲蟬熊皮不上蟻秉性死不易斯足驗人理
苟投信若飴義交固如水如水遐則思若飴背乃毀
悠悠徂暑月眷眷念君子霍雲停復飛汾水蕩而駛
山西迴夕陽皎如靚光美徒操孤絕絃嘆息竟何以

初秋上方寺別程生

勝地亮常爾佳士難屢并未窮結駟游遽復揚帆行
古林鬱城隅石門敞幽清赴風選濃蔭布席觴羣英
竹涼時自來殘暑驕未平戒飲今二暮爲子杯一傾
義投不在故跡遠心自縈念茲徘徊意時哉樹嘉名

贈鄭生三首

杪秋木葉脫霜露告成歲驅車遡寒郊觸物念征邁
戒舟有程日維駒阻心愛所幸旦暮留前途或風瀨

二

伊予解組歸汝也美少年駿馬臂兩弓射獵梁王川
感子重意氣授之黃金鞭萬里不易致悲鳴爲誰前

三

英英百尋木時至乃黃落楚楚青俊郎還家鬢蕭索
桂樹寒正榮溪魚白而躍山行采瑤草寄我長生藥

寄程生

河日淡莽莽飄風但塵沙陰陽爲誰爭時至枯亦葩
念離傷歲窮懷音怨途賒彼美杳何許孤吟弄瑤華
夜攬海門月晨吸波上霞苦心誰固知延望長自嗟
浦鴈回故翼汀蘭茁新芽無負汴上約梁園多奇花

贈梅國子

烈士有心許佳人重情歡投義旣不易識者良獨難
清秋理瑤瑟爲君發高彈一曲未云亂仰視孤鴻翻

一舉狹千里再舉青雲端我欲從之逝羽短才力單
聲影中藏之儻接排風翰

贈定齋子

水澄萬形一鏡明別醜好哲人靜以俟愚者苦紛擾
君本觀海人揚旆向東道高步登岱巔橫覽盡洲島
匪云波水浩祗見衆山小孔林秋飈入漂籜委寒草
明禪展躬謁蕪鬢爲消掃

感述一十二首

雨後往視田園同田熊二子二首

鳥性悅儔匹人情豈無慕亟見不云數獨行必相呼
去昨有城上眺今復郭南步膏雨回原綠豐林宿殘

霧久蕪慨我廬旱水兩妨誤夏禾旣岑漠秋秫庶能
穫釀具粗已足念子有長路

二

雨曠自有期歲功詎云差昨來偶滂沱萬物皆頽華
晴晨子見過毅然巾我車荒徑蹄轍稀澤國踈桑麻
長風起修林夕響連兼葭茫茫南山豆離離東陵瓜
懷古看行雲矯首徒咨嗟

庄上晚歸車阻于潦渠徒步始達于岍

暮醉各言歸風起草獵獵潢潦溢中軌車至不可涉
野黑徑復曲魚貫踵相躡良懼蒼耳窟重爲蜥蜴怯
童稚行我先溝塍負而躡世路本夷崐人情有驚帖

閒素輕波濤臨川想維揖履坦合自外長吟詠苞葉

山夜

孤月上東岫白鶴激秋唳涼風振溪壑林影颺搖洩
山居本深靜夜氣復澄霽冥心向千古眇焉託真契

蒸熱三子過我東庄

林凋午不歇日毒土色赤鬱言森密裡時華媚深碧
三人者胡來無乃不速客黃公蒼鬚髯二生

鄭生作程生誥

頽而哲入蔭齊解帶對酒各岸憤籬萱挺其秀檻菓
垂易摘無言豈為默有形忘所役杯乾時一斟遽復
至西夕

田園雜詩五首

朝陽暖秋木凝露未即晞翩翩啄榴鶯自驚隼復飛
衆穡既登載我事亦漸稀晨興坐東牖兀然對紅薇
噉噉一白鶴北逝將疇依忍茲稻梁辰而汝甘長饑

二

大車行棘棘小車響額又隨分各有營焉者稼與穡
旦出在田野日入未遑息長陰下西夕蕭颯起寒色
雲霞變彩氣照我桑麻國立看勞者歸露濡徑不濕

三

野清雲氣滿場功亦云畢收穫雖有殊大小各盈室
感茲狼戾年追念憂苦日紛然噉其饑妻子孰遑佚
歲工借寒熱人事坐勞逸蕭蕭原野霜何草不垂實

四

壯時掉塵鞅老乃即農務值茲田事終怛然感霜露
原萋日以斂林華不守故嚴霜淨游氣翔鵠在天路
鷓鴣躍蓬蒿啄食不滿嗉而予竟何言飯牛髮今素

五

田居亦安娛患者寡朋仇農談或時歇仰視蒼雲流
青衿者誰子道言即我謀開尊面圃場剥棗充盤羞
物小意固勤觴旣情仍留晶晶遠天色秋暘下林丘

秋詩二首

百卉淒以腓游行散我矚夕風一何瑟入園乃華馥
菊也紛其英修篁積寒綠人生匪金鐵榮落譬草木

磬折者誰子誓死日爭逐賢貴與賤愚滅去孰還復
鳥雀各有安無爲智者辱

二

北風胡鴈急小禽亦南飛輕俠羣少年求伺爭有爲
弋彈無遺木畢施在中逵百發不一獲用心良足嗤
黃雀墮計中鳴吡如得依白鵠舉雲漢覽之心內悲
小大有分量瑣瑣豈知微

詠物一首

詠鷺

天風下厲霜海色清嚴冬朱鷺逝云遠玄禽眇焉踪
翩翩委波羽鳴飛何雍雍去若雪毳散來疑玉梭從

四

壯時掉塵鞅老乃即農務
值茲田事終怛然感霜露
原萋日以歛林華不守故
嚴霜淨游氣翔鵠在天路
鷓鴣躍蓬蒿啄食不滿嗉
而予竟何言飯牛髮今素

五

田居亦安娛患者寡朋仇
農談或時歇仰視蒼雲流
青衿者誰子道言即我謀
開尊面圃場剥棗充盤羞
物小意固勤觴旣情仍留
晶晶遠天色秋暘下林丘

秋詩二首

百卉淒以腓游行散我矚夕風
一何瑟入園乃華馥
菊也紛其英修篁積寒綠
人生匪金鐵榮落譬草木

磬折者誰子誓死日爭逐
賢貴與賤愚滅去孰還復
鳥雀各有安無爲智者辱

二

北風胡鴈急小禽亦南飛
輕俠羣少年求伺爭有爲
弋彈無遺木畢施在中逵
百發不一獲用心良足嗤
黃雀墮計中嗚咷如得依
白鵠舉雲漢覽之心內悲
小大有分量瑣瑣豈知微

詠物一首

詠鷺

天風下厲霜海色清嚴冬
朱鷺逝云遠玄禽眇焉踪
翩翩委波羽鳴飛何雍雍
去若雪毳散來疑玉梭從

回旋淥蒲漪映照青蓮峰戲滓不染潔浴湜轉丰茸
羣起若避驚孤立如有慵孔言崇九思周歌羨斯容
我容亮多憚君子良冲澍亦應懼息鴈幸少寬鱗鱗
保爾貞素姿倘附春濤龍

空同先生集卷第十六

空同先生集卷第十七

北郡李夢陽撰

詩 七言歌行四十首

感述

桂巖行

崖松行

丹穴行

苦寒行

夜行歌

古白楊行

泉上雜歌二首

自從行

大梁城西門行

羈旅翁行

寶刀篇

秋夜嘆二首

思歸引

歸來行

弘治甲子屆我初度追念往事死生骨肉愴然動懷擬杜七歌用抒憤抱云耳

解酋行

西來行

飛蟻嘆

土兵行

癸酉生日

豆莖行

餘干行

鱖魚行

襄陽歌四首

苦雨篇

苦雨後篇

久雨東黃子

種竹

放蛇引

感述

桂巖行

白龍不識漁溪惡化爲漁服遭人縛黃髮先生困泥阻白馬小兒氣揮霍道傍朽木藏蛟龍霹靂猶聞夜火紅寄謝少年諸數公貧賤豈必皆愚蒙桂巖紫芝春盡發騎驢且覓商山翁

崖松行

峭石從龍木相膠孤松拄日崖光幽朔風北來霜雪暗山深草黃途路修此時亭亭見松意排空柯榦流雲氣大厦傾時梁棟急君看此物終難棄

丹穴行

丘名琥號松山夷門隱人也

北風颯颯吹丹穴幽篁梧樹寒蕭屑孤鳳威垂眼流

血蘭陽丘公昨謝世使我杯乾已數月出門騎馬向
誰適世事悠悠忍能說薄俗踰趨始為敬老夫平生
性懶拙後生譏訕轉多口白壁青蠅從點缺宋門汪
隆頗好事見我握手肝肺熱近亦客死臨清州北望
傷心路途絕可憐親友日零散老成耆舊灰燼滅不
爭汝曹灰燼滅又值天寒地欲裂

苦寒行

前日雪落傷麥根北風刮地天色昏沙飛石走拔大
樹雪積林坳出無路城中死者不知數我歸三年河
不凍今年冰堅車可渡觸面慄慄厚地裂四顧乾坤
莽月滅尺薪粒米貴如玉君不見日晚空墻貧士哭

夜行歌

月輪未安光已皎我行夜出夷梁道力疲足酸堤上
坐黃狐怒立啼向我宋家宮殿盡瓦礫陂湖燒鹽燭
婀娜忽憶東京全盛時月行對此誰能那

古白楊行

百泉東岸三古楊下枝掃拂書院墻上枝瑟颯干穹
蒼空山野陰雷雨黑柯榦冥冥動山壁剪伐難為棟
梁用盤踞畚逃斧斤厄但見白日悲風發寧知六月
撐霜雪煙色慘愴精靈聚孤根倔強源泉裂憶昨訪
古憇其下居人不敢留車馬落籜尚禁牛羊食汗穢
頗遭縣官打丞相古栢霹靂碎將軍大樹空蕭灑岡

血蘭陽丘公昨謝世使我杯乾已數月出門騎馬向
誰適世事悠悠忍能說薄俗踰趨始爲敬老夫平生
性懶拙後生譏訕轉多口白壁青蠅從點缺宋門汪
隆頗好事見我握手肝肺熱近亦客死臨清州北望
傷心路途絕可憐親友日零散老成耆舊灰燼滅不
爭汝曹灰燼滅又值天寒地欲裂

苦寒行

前日雪落傷麥根北風刮地天色昏沙飛石走拔大
樹雪積林坳出無路城中死者不知數我歸三年河
不凍今年冰堅車可渡觸面慄慄厚地裂四顧乾坤
莽明滅尺薪粒米貴如玉君不見日晚空墻貧士哭

夜行歌

月輪未安光已皎我行夜出夷梁道力疲足酸堤上
坐黃狐怒立啼向我宋家宮殿盡瓦礫陂湖燒鹽燄
婀娜忽憶東京全盛時月行對此誰能那

古白楊行

百泉東岸三古楊下枝掃拂書院墻上枝瑟颯干穹
蒼空山野陰雷雨黑柯榦冥冥動山壁剪伐難爲棟
梁用盤踞畚逃斧斤厄但見白日悲風發寧知六月
撐霜雪煙色慘愴精靈聚孤根倔強源泉裂憶昨訪
古憇其下居人不敢留車馬落籜尚禁牛羊食汗穢
頗遭縣官打丞相古栢霹靂碎將軍大樹空蕭灑岡

頭石路莎草長孫邵李許同一堂春風漂泊予到此
不見古人惟古楊古楊蕭蕭暮流急波翻浪倒蛟龍
泣衛女幽憂拾錦花逋臣寂寞愁難立君不見太行
羊腸莫比數上有毒蛇下猛虎樵斤獵火不虛日桂
相倚桐氣悽苦嗚呼楊兮楊兮爾何盤根據茲土

泉上雜歌二首

游子樂遊復長嘆臨深坐歌白石爛石泉漠漠常東
流我今胡爲坐泉頭渚花冥冥野陰薄谿日杲杲蒼
雲愁君不見古來爭戰地山寒雪暮風颼颼

二

美人被服貂襜褕春日遊行春水曲綠蘿無煙山雪
暝扣石長歌嘆幽獨撥刺紅鱗錦湍游我欲釣之且
復休金盤玉箸在何許爲爾臨淵淚如雨

自從行

自從天傾西北頭天下之水皆東流若言世事無類
倒竊鈎者誅竊國侯君不見奸雄惡少椎肥牛董生
著書畚見收鴻鵠不如黃雀啁盜跖之徒笑孔丘我
今何言君且休

大梁城西門行

水門堤口雙栢樹種之何年不記數風飡雨蝕生氣
微枝葉半凋委官路烏鴉螻蟻復啄食我行見之淚
如注古來根本忌先撥嗚呼柰此棟梁具及今可爲

當語誰半夜吞聲向北去

羈旅翁行

自焚闕里手植檜天下斯文忽墜地錦衣使者日旁
午青衿胄子時流涕霾風翩翩起白旒五月黃塵暗
天際君不見河上羈旅翁時乖此老遭拘繼

寶刀篇

我有吳王雙寶刀龍鱗雪花爛照地奉君清宴可君
意佩之十年不曾離黃金鞶帶白玉鈎出入魍魎
魅愁功高見疑反遭怒此物拋擲今兩秋丈夫生世
軼軻亦如此終日戚戚何爲爾

秋夜嘆二首

君不見梁上蝠飛走掠蠅虫蠅虫四散不受掠而我
胡在縲紲中豈即運命委霜雪要知腐草生華風沉
吟徹夜不能寐此時天風雨將至但聞虫聲啾啾復
唧唧鴻鴈嗷嗷忘南北

二

臭虫多足蚊有翅當我眠時忽而至憤悶披衣坐嘆
息竟夜搔爬無氣力寒霖蕭蕭響荆棘君不見坎燈
無煙四壁暗野狐跳梁鬼啾唧

思歸引

疾風吹寒破南極凍雨濺濺山樹黑天昏歲暮百憂
併中夜悲歌淚沾臆起視衆星白爛爛我今胡爲在

長安思歸路阻多苦寒嗷嗷何處失群鴈翅濕高飛
嗟汝難

歸來行

天下儒冠豈盡誤迂謬棄捐仍道路九月江山凍煙
霧百年裘馬衝霜露窮達自知休怨天歸來且種東
陵田齒過四九已不小釣魚獵兔亦得飽

弘治甲子屆我初度追念往事死生骨肉愴
然動懷擬杜七歌用抒憤抱云耳

吁嗟我生三十三我今十年父不見濁涇日寒關塞
黑杳杳松楸隔秦甸梁王賓客昔全盛我父優游誰
不羨當時携我登朱門舞嬌歌勝争看面二十年前

一回首往事凋零淚如霰嗚呼一歌兮歌一發北風
爲我號冬月

二

母之生我日初赫缺突無煙榻無席是時家難金鐵
鳴倉皇抱予走且匿艾當灼臍無處乞隣里相爭失
顏色男兒有親生不封萬鐘於我乎何益高天蒼蒼
白日凍今辰何辰夕何夕嗚呼二歌兮歌思長吾親
儼在孤兒傍

三

有弟有弟青雲姿以兄爲友兼爲師十五徧探古人
籍十九不作今人詩從兄翱翔潞河測寧料爲殤返

鄉城孤墳寂寞崔橋西渺渺遊魂泣寒食嗚呼三歌
今歌轉烈汝雖抱女祀終絕

四

有姊有姊天一方風蓬搖轉思故鄉歲收秫秉不盈
百男號女啼常在旁黃鳥飛來啄屋角碩鼠唧唧宵
近牀洪河聞蛟波浪怒我欲濟之難為梁嗚呼四歌
今歌四闕我本與爾同肉血

五

古城十家九家空有姊有姊城之中峭壑直下五千
尺雞鳴吸回山日紅犁鋤縱徒把豈得病姑垂白雙
耳聾小孤癡蠢大孤惰霜閨夜夜悲迴風嗚呼五歌

今歌五轉寒崖吹律何時變

六

水河蜿蜒雪爲岸忽得鯉魚長尺半剖之中有元方
書許我是月來相看臘寒歲窮多烈風日暮高樓眼
空斷梁都北來道如砥熟馬輶輪爲誰絆嗚呼六歌
今歌未極原鴿爲我無顏色

七

丈夫生不得志居人下低頭覩面何爲者薄祿不救
諸親饑壯志羞稱萬間厦東華軟塵十丈紅入擁簿
書出鞍馬王門好竿不好瑟何如歸樵孟諸野嗚呼
七歌今歌思停極目南山空翠屏

鄉城孤墳寂寞雀橋西渺渺遊魂泣寒食嗚呼三歌
今歌轉烈汝雖抱女祀終絕

四

有姊有姊天一方風蓬搖轉思故鄉歲收秫秉不盈
百男號女啼常在旁黃鳥飛來啄屋角碩鼠唧唧宵
近牀洪河閩蛟波浪怒我欲濟之難為梁嗚呼四歌
今歌四關我本與爾同肉血

五

古城十家九家空有姊有姊城之中峭壑直下五千
尺雞鳴吸回山日紅犁鋤縱徒把豈得病姑垂白雙
耳聾小孤癡蠢大孤惰霜闥夜夜悲迴風嗚呼五歌

今歌五轉寒崖吹律何時變

六

冰河蜿蜒雪爲岸忽得鯉魚長尺半剖之中有元方
書許我是月來相看臘寒歲窮多烈風日暮高樓眼
空斷梁都北來道如砥熟馬輶輪爲誰絆嗚呼六歌
今歌未極原鴿爲我無顏色

七

丈夫生不得志居人下低頭覩面何爲者薄祿不救
諸親饑壯志羞稱萬間厦東華軟塵十丈紅入擁簿
書出鞍馬王門好竿不好瑟何如歸樵孟諸野嗚呼
七歌今歌思停極目南山空翠屏

解酋行

都昌縣南乾沙上射鴈者誰三五群氊帽紅裘黃戰
裙云是解酋官達軍沙下北風吹艦旗邊軍懼喜家
軍悲朝廷日夜望俘至雪凍酋船猶住茲縣官逃走
驛官啼要錢勒酒仍要雞姚源遺孽尚反覆爾曹不
得誇遼西

西來行

冬廿六日十二月西來泛湖雨明滅雨寒著樹盡成
雪天波靄靄路幽絕鵝鷓禿鷺立如人銜魚避船偷
眼嗔天開獵夫會尋汝乘時早可收其身

飛蟻嘆

李子官江西時覩事感心作飛蟻嘆暨西來行
也

今朝天光烏鳴喚草萋柳長江渙渙恠爾飛蟻何爛
爛填門撲牕坐我案夜來不虞風驟至屋瓦吹飛船
打岸孤城晦冥霏霏雨前叫鵝鷓後鵝鷓共言此崇
飛蟻爲我欲擊之還復嘆明明上天非無宰蟻也鎖
細何須筭災祥感召固其理先時苟備終無患君不
聞漢家滿堂客不貴徙薪貴焦爛

土兵行

豫章城樓饑啄烏黃狐跳跟追赤狐北風北來江怒
湧土兵攫人人叫呼城外之民徙城內塵埃不見章

江途花裙蠻奴逐婦女白奪釵環換酒沽父老向前
語蠻奴慎勿橫行王法誅華林姚源諸賊徒金帛子
女山不如汝能破之惟汝欲犒賞有酒牛羊猪大者
陞官佩綬趨蠻奴怒言萬里入爾都爾生我生屠我
屠勁弓毒矢莫敢何意氣似欲無彭湖彭湖翩翩飄
白旂輕舸蔽水陸走車黃雲捲地春草死烈火誰分
瓦與珠寒崖日月豈盡照大邦鬼魅難久居天下有
道四夷守此輩可使亦可虞何況土官妻妾俱美酒
大肉吹笙箏

癸酉生日

廬山臘日地凍裂白猿鹿鹿啼深雪卧病松林北岸

湖黃蒿古阪行人絕已今行年四十二我辰安在百
憂結小孫呼爺戲牀側縱惱忍能即嗔說

豆莖行

昨當大風吹雪過湖船無數冰打破冰釀嵒巖山嶽
立行人駭觀淚交墮景泰年間一丈雪父老見之無
此禍鄱陽十日路斷截廬山百姓啼寒餓旌竿凍折
鼙鼓啞浙軍楚軍袖手坐將軍部兵蔽江下飛報沿
江催豆莖邑官號呼手足斂馬驟雞犬遺眠卧前特
邊達三千軍伍箇病熱死兩箇彎弓值凍不敢發昔
何猛毅今何懦李郭鄴城圍不下裴度淮西手可唾
從來強弱不限域任人豈論小與大當衢寡婦携兒

哭秋禾枯槁春難播縱徒微科何自出大兒牽縵陸
挽馱

餘干行

荒濱鶻立夕啼鵠春行綠岸竹木枯黃蒿破屋走白
狐東至信州西鄱湖男兒輸粟婦刈芻問誰爲此軍
前頭去年冰雪十丈餘凋瘁至今猶未蘇姚源帶甲
已數萬巖淤莫展金僕姑近聞殺官兵復北道路諠
傳真有無安能飛刀取賊顛貂裘白馬還京都

義魚行

漢江七月黃水漲男婦義魚立江上岸斜波緊响泡
轉千人目側精相向巧者十義五義中血飛銀尺翻

金浪鱗魚中義獨更穩頓之泥沙半倔强我舟其時
行遘此仰視皇天色惆悵深山藥苗熟流汝一毒江
河萬形喪鱗鱗糜爛不直錢小瑣暴棄同蚶蠃走鯢
吞泓若山滾蹴踏猶能開浩蕩渡子徒誇好身手如
飛快槩誰曾傍夜風大聲吼盤渦地坼瀕洞壓鼃鼃
如甕之蛟手可得蛇龍豈復安巢窩消息定理魚柰
何

襄陽歌四首

烈風夜行峴山道天陰城空鬼鳴嘯葦葭委折波濤
白通濟橋頭老鶴叫人言黃昏虎搏牛牛虎兩傷歸
各憂萬事豈爾能前謀不如置之寬且休君不見百

足之垂光如虹雷火燒死枯樹中

二

峴石嶢嶮孤根深下盤厚土雲氣陰中有千萬竅突
如風來遇之如笙琴昨當醉狂推撼此天地忽然為
之動山鳴鬼哭百獸吟我時便欲驅使六丁移之去
家遙屋卑無頓處於乎一石且無頓處徘徊歸來日
沉樹

三

襄陽山勢何所似東如翥鳳西虎蹲墓堆纍纍不空
地於中豈少英雄魂大堤先前花艷時朱樓細柳黃
金羈但看舊園歌舞處掘發金釵知是誰君今有酒
不飲恨不駟馬軒車馳縱及金張許史將焉為身後
埋沒蒿草疇見知

四

昨來三日雨不住逢人面色如地皮老龍之堤豈易
打襄陽難是養魚池南倒江勢雖洶湧我堤如山撼
不動但慮禍患起細微丁寧疆吏防螻孔我聞斯地
連年乖雨暘二麥乾死秋禾傷衆心詢詢久未定小
兒何得跳商羊天公好生民壽康

苦雨篇

波濤日陷蛙鳴起梁園一夜滿城水屋廬半塌塌人
死可憐哭聲水聲裏憶昨出飲黃昏歸零濛已灑力

尚微豈知中宵鬼神怒雷翻電滾雨如注我時怵惕
不得眠惓燈撲殺無計燃洶湧一任霹靂走恍惚若
有蛟龍纏地軸震及久益急披衣起坐坐復立鷄鳴
氣勢幸稍緩積漸天明日光入琴沾書濕開我堂二
儀高下雲低昂黃鸝晒翅燕語梁前何恐懼今何康
萬事夷險誰豫量及時弗樂頭顱蒼

苦雨後篇

小兒嚙啞始學語育之後屋逢今雨包裹移置夜我
旁兒驚屢叫安之乳霆雷號號屋瓦震疾電繞床亂
走鼠大兒明農隔城住即有緩急誰視汝旦日報至
心則降雨未傷人傷稷黍前時三月點雨無大兒憂
色禾半枯日日望雨雨反茶盪然猷猷爲江湖天晴
微風波水動溝渠四注長河湧明晦反覆何代無囑
兒更備宜秋種

久雨柬黃子

微晴見月月仰瓦城中水淹雨猶下郊園淡旬不一
出不畏衝泥畏沒馬苔蘚自上匡氏壁蓬蒿日深伸
蔚舍人言甲子船入市幸君豫問能舟者

初雨夏甲子也

種竹

自從有竹水爛死使我竟日顏不歡頃來移置復傍
此遽覺六月回秋寒龍姿鳳苞生不易可憐蕪沒今
人棄窈窕郊園草樹中何人道有凌雲器

放蛇引

花蛇錯落五色備毀垣掘出蛇驚悸昂頭宛頸若有
訐盤旋瞥捩如奔避深山大澤豈無窟荒郊短草真
何意豺虎公然白晝行花蛇何得更縱橫祇知毒口
能戕物未解皇天實好生洪流自古容微細吾叱園
丁縱蛇逝風驅雷霆急雨過彩虹倒掛青天霽

空同先生集卷第十七

空同先生集卷第十八

北郡李夢陽撰

詩 七言歌行四十首

贈答

送何舍人齋詔南紀諸鎮

上元訪杜鍊師

奉送大司馬劉公歸東山草堂歌

二月四日部署宴餞徐顧二子

七峰歌壽范郎中淵 送人還關中

寄兵備高僉事江 寄內弟玉

雪東鄭生 吁嗟行示周生

送鄭器

寄鮑宇

三鶴歌為丘三公壽亦載厥實事焉

君不見贈鄭莊

嗚呼行寄康子以其越貨之警

送席副使監貴州屯學二事歌

送鮑激還歙

送鮑相如金陵

君不見贈馬僉事應祥

得馮御史允中書

秋夜徐編脩宅宴別醉歌

發京別錢邊二子

東園翁歌

苦熱柬屠叅議

白鹿洞別諸生

豫章遇鍾子送贈

董公衙賞緋桃行

得家書寄兄歌

寄鄭生歌

余鄒二子遊白鹿書院歌

戲贈周紀善

龍沙行別袁生

潯陽寄毛君湖口

鄭生山遊歸予作此歌

丈人行

鶴癯子歌

寄殷給事中歌

送田生赴京歌

送陳冠歌

芝拌行

贈答

贈何舍人齋詔南紀諸鎮

先皇乘龍去不返悲風慘淡吹宸極四海哭若喪慈
母百官狂走天爲黑憶昨臨危坐御床手挈神器歸
今皇室語丁寧肺腑裂三老親聞眼流血金滕立剖
石室秘此事難從外人說我君謙讓不可得割哀踐
昨弘祖烈日月重懸萬國朝雷雨赦過群方悅越南
海北霹靂動蠻夷盡奉王正月此時九道使臣出舍
人亦輟螭頭筆白馬朝騰薊北雲錦帆暮閃江沱日
江沱秋交多烈風洞庭雲夢俱眼空巴陵縣令舍人
兄接詔會弟西樓中童年題詩在高壁六載不到紗
爲籠南嶽以南惟峻山苦蒸毒霧何盤盤天王新令
雷電掣妖蛇不敢啼林端五溪官長喘喙拜黔州父
老垂淚看却瞻蒼梧雲氣黑斑竹臨江怨幽色翠
縹緲空冥聞此時此恨誰知得君不見馬援柱孔明
碑剝落黃蒿裏千年莓苔待君洗萬里之行自此始
歸來何以獻天子

上元訪杜鍊師

宣皇昔時乘八風御龍遊戲行煙空馬前兩兩侍玉
女別館多在蓬萊宮朝天宮中舊時殿樓臺畫鎖無
人見琉璃井塌青苔滿松栢森森月如練嗚呼往事
難具陳燈火如山又一春北斗壇西訪隱淪我師黃
衫白氈巾坐我更致西樓賓玉杯漱灑赤瑪瑙織罽
四角銀麒麟酒肉山堆滿堂醉仙厨往往來八珍孝

宗之朝五真人師也磊落當其倫自言召見親賜食
曾把丹書獻紫宸如今寂寞看春色銀魚玉帶無消
息豈惟魚帶無消息欲語吞聲淚沾臆勸師對此莫
酸辛世間萬事如轉輪且將芝草供生計聊與煙霞
作主人月偏彩雲當牖生旋呼兩童吹玉笙聞師妙
得逡巡術百壺倒盡還須傾古來仙子向誰在飲者
翻垂千載名名垂千載亦區區酒闌燈昏夜復徂不
見秦陵草已宿春生樹啼雙老鳥此時亦應群帝趨
金燈翠旗光有無

奉送大司馬劉公歸東山草堂歌

東山有草堂縹緲雲嶠孤前對祝融峰下瞰巴陵湖

明公昔時此堂居麋鹿熊豕當窓趨洞庭日落風浪
湧倒影射堂堂欲動慘淡誰聞紫芝曲獨善不救蒼
生哭先帝親裁五色詔老臣曾受三朝祿此時邊徼
多戰聲曳履謁帝登承明謝安笑却淮淝敵魏相坐
測單于兵九重移榻數召見夾城日高未下殿英謀
密語人不知左右微聞至尊羨自從龍去不可攀公
亦卧病思東山湘娥含笑倚竹立山鬼窈窕堂之側
上書苦死只欲歸聖旨優容意悽惻內府盤螭縷金
織賜出傾朝皆動色白金之錠紅票記寶鈔生硬鴉
翎黑崇文城門水雲白是日觀者塗路塞城中冠蓋
盡追送塵埃不見長安陌人生富貴豈有極男兒要

在能死國不爾抽身早亦得君不見漢二疏千載想
慕傳畫圖即如草堂何處無祿食覩竊胡爲乎乃知
我公真丈夫嗚呼乃知我公真丈夫

二月四日部署宴餞徐顧二子

春日載陽官署幽。東吳二子過我游。庭空日斜吏人
散。窅然何異經林丘。今晨驚蟄暖氣達。昨夜哀鴻呼
故儔。中庭古槐蒼蘚漚。上有百鳥何啁啾。倉庚交交
刷其羽。君看巨細各有求。明時冠軒幾邂逅。得暇胡
不攀淹留。自從去年識徐顧。令我意氣傾南州。徐郎
近買洞庭拖。顧子亦具錢唐舟。浮生飄轉若飛蓬。倏
忽聚散誰能謀。風光爛熳况復爾。願寫清壺銷客憂。
故人苦稱不好飲。舉杯入唇還復休。妙歌時時激慷
慨。鄙夫何以答綢繆。巖柝沉沉靜夜色。北斗倒掛城
南樓。祇恐天明驅馬出。攬袂延望河之洲。

七峰歌壽范郎中淵

我聞桂陽江上峰。平地突出七芙蓉。三峰峩峩如列
戟。四峰裊裊翔飛龍。孤水東來走其下。上巖下巖惟
古松。有時雲霧滿四壑。洞中仙侶時相逢。使君磊落
中行後。家傍前峰對江口。暗想精靈盤礴初。嶽降生
申理。或有平生氣與蒼壁高。落筆煙霞常在手。六載
爲郎不愛身。五十生兒將白首。湘南新鮮紅勝玉。燕
京高會多名酒。歲歲登堂娛笑歌。歌我七峰爲爾壽。

送人還關中

得萬字

君不見劉毅貧時一擲常百萬君不見唐時鄭處道
高坎墮腹無飯英雄際會各有時人生豈必皆如願
關中老翁燕薊客昔何慷慨今何怨王通無媒番叩
關楊雄有賦何由獻君歸射獵南山麓得錢且學樊
侯販

寄兵備高僉事江

三月無雨乾殺麥六月雨多禾耳黑長江浪高蛟龍
鬪淘河鷓鴣啼清晝此時憐君備兵越天陰不見日
與月白衫益徒慣風濤我軍慎勿貪倉猝

寄內弟玉

自汝林居將一月我心不寧長惛惛郊寒歲暮風色
苦曠野無鄰天雨雪亟欲載酒往問子冰路難行畏
踏跌豈無輕裘與快馬玉也視之如敝帔此道於今
識者稀勸弟寬懷慎藥物

雪東鄭生

夜來雪花如掌大無事閉門但眠卧僵牛死馬非所
慮天翻地裂疇能那近時好事最者誰徽州鄭生差
愛我甕頭春酒不餘瀝天明梳洗午尚坐北風其涼
二儀閉雪吹飛沙映天過老夫畏寒况無力生也乃
是雄豪佐梁園之陌平若掌放兔呼鷹無不可不然
騎驢學爾祖乘興一鼓山陰棹

吁嗟行示周生

吁嗟周生千萬駒。今行不得如蟾蜍。雖有寶劍寒吹毛。一日不遇成鈎刀。子不見豐城紫氣干雲霄。鹽車之下多悲號。張華伯樂行相遭。

送鄭器

梁園仲冬雪積阻慘慘。風亂平沙樹泥深。馬瘦不得行。縹緲金陵在何處。青絲絡酒提玉瓶。強出送子城東亭。旦望淮河暮江水。雲飛鴻鴈天冥冥。

寄鮑宇

愧我夷門草堂寂。種菊蕪穢生蓬蒿。爾家華堂近江潁。開花爛熳秋雲高。去年此日同爲客。今年對菊遙

相憶。黃山練水在何處。獨倚南牕望南國。

三鶴歌爲丘三公壽亦載厥實事焉

老鶴東來度海水。與雌俱飛引其子。回翔萬里始一息。丘家麥田澤泚泚。逍遙洗濯飲食足。炯如煙雪無泥滓。此鳥千年丹始成。口銜赤玉蒼龍精。落地化作金光草。采食還丹毛骨輕。古來拔宅將妻子。肯使丘翁地上行。

君不見贈鄭莊

君不見江上鴈。嗷嗷喚儔侶。勁羽輕毛常趁風。往來漂泊如羈旅。男兒落地既有身。誰能齷齪猶婦人。懷中有劍亦不貧。吳下阿蒙君莫嗔。

鳴呼行寄康子以其越貨之警

鳴呼皇天不可測。冬無雪春無雨黃霾翻風白日
動前飛禿鷲後飛鵠堂堂古路長蒺藜萬家之城走
豺虎百姓誅求杼柚空兒號女啼守環堵饑寒盡化
為盜賊可惜良民作囚虜腰弓帶箭百成群少年馳
馬仰射雲蒼山日落行旅稀醉唱胡歌各自歸山東
趙實已授首南陽回賊同猪狗諸君但欲樹功業王
石俱焚理或有近者內丘大寧河橫賊八騎持干戈
裕州知州與賊戰康也扶柩衝之過資糧蕩盡僅身
免月暗天昏路途遠吉人作善番軫軻痛哭寒城白
雲返頃聞留滞在襄國百口仰給縣官食吾兄匹馬

走問之半月更復無消息夜立中庭北極高晝看河
朔風沙黑汝寧以南土尤赤空城二月生荆棘斗米
可以換嬌女牛馬餓死枯蒿側比來官吏守空印拖
男抱女盡向北即防此輩更充斥恐汝後歸歸不得

送席副使監貴州屯學二事歌

席名書字
文同蜀人

我昔在北京送君向河南豈料在河南送君如百蠻
瘴雲蒼蒼途路艱牂牁羅施皆峻山法官要自褰帷
入倏忽開明衆山出大抵夷狄似禽鳥制之雖勤忌
拘急此曹亦是人心性頃來漸慕衣冠習文翁化蜀
豈無本李牧屯田務招輯所恨故人限萬里令我蚤
夜心於邑丈夫已際飛龍會野人猶抱枯魚泣感新

舊懷心肺酸萬事回頭百憂集弘治之間時世異與
君次第陳封事許身謬比漢賈生推君每稱唐陸贄
朝回對坐香爐省出門並結青雲轡自從分手哭遺
弓縉紳漂泊余亦同抱甕梁王修竹園遺址宋帝蓬
萊宮生涯放逐似羈旅混迹迂腐隨村翁曾聞伏櫪
有老馬豈即道路傷秋蓬天下瘡痍况未息西南貢
篚防難通杜鵑向識君臣禮蛟龍終收雲雨功相如
諭蜀文章壯馬援平文德業雄扶危濟弱付公等臨
岐悵望天南鴻

送鮑激還歙

昔時賢達或未遇途路坎坷常固窮鹽車騏驥亦拋

棄人生豈得無西東君年五十猶未通江湖去住隨
飛鴻黃山紫陽日索寘題詩蚤向軒轅宮

送鮑相如金陵

去冬君行雪積阻相送城東念羈旅今冬相逢不逾
月再別令我情更苦金陵市頭酒如密此去酣歌與
誰侶我在梁園獨岑寂莫教碧草生春渚

君不見贈馬僉事應祥

君不見庭中樹今冬憔悴春作花君不見桑上草含
陽籍土抽紫葩富貴誰有種貧賤豈無涯君今身為
指南車何不留之殿京華北游漢水南長沙君雖在
漢水與長沙高不愁虎卑無蛇

得馮御史允中書

鳳凰不識梧桐樹一落蓬蒿鳥雀欺滄洲鴻鵠長毛
羽縱有雲羅柰爾爲昨日柳陽馮侍御臨流寄我錦
雙魚黃河峻嶒雪十丈過臘逢春始得書開緘不見
下江舸梅花滿枝空淚予

秋夜徐編修宅宴別醉歌

徐郎三杯拂劍且莫舞聽我擊節歌今古曲長調悲
不易竟天地熒熒月東吐燕山八月風力怒落葉交
加映尊俎愴時感事百憂集死別生離同一苦身逢
累朝全盛日弘治之間我親覩朝廷無事尚恭默天
下書計歸臺府五陵鞍馬速雷電千官氣勢如風雨

却憶年年秋月時日與爾輩同襟期如澠之酒差快
意袒跣呼號百不思絃張柱促衣冠禍綜覈崩奔學
士疲倉皇世事難開口物極則還理宜有羸疾已分
沙田草遭逢復折都門柳富貴在天得有命人生反
覆如番手不見去年臨別處吞聲躑躅鶯求友邂逅
寒暄不自知隔絕榮華爲誰守歌殘酒乾天欲曙門
外驪駒巴西首哀鳴胡鴈亦南飛露濕群星朝北斗
發京別錢邊二子

秋風浙浙吹燕山游子杖劍出燕關車脂馬飽夜將
發錢邊二子來相攀此時群星覲上帝驂鸞翳鳳雲
之際君不見牽牛與織女一水盈盈獨流涕

東園翁歌

東園翁今六十餘面常泥垢髮不梳身藏寶劍人不
識反閉衙門讀古書此翁十五二十時歎唾落地迸
成珠陸機不敢以伯仲管輅警敏空嗟吁生鱗即與
蛟龍伍未汗寧同凡馬趨爾時射策黃金闕三百人
中最英發驂騑舉足狹萬里便欲登天攬日月豈知
德尊常轍軻獨買扁舟泛吳越三十年來萬事變富
貴於我真毫髮歸來灌園種瓊花荷鋤自理東門瓜
夜眠海月掛丹牖晝看江風滾白沙遼東合有逢萌
宅齊西再覩陶朱家北郡李生三十六擯斥高歌卧
空谷前輩後輩道豈殊同坐同行限江麓東望東園

亂心曲安得逐爾騎鴻鵠

苦熱東屠叅議

豫章之熱真毒滛六月已破仍不禁赤雲行空日在
地萬里一望炎煙深東蒸扶桑榦欲槁黑河水乾龍
不吟院松亭亭我所愛比遭摧炙無好陰縱令跣足
欲何往此地寸冰如寸金層簷大厦尚喘喙矮屋茅
堂淚滿襟滕王有閣高百尋閣下澄江清映心紫薇
使者卧其上卷幔恰對西山岑赤脚門子搖大扇行
坐吟哦揮素琴幾欲往訪簿書積豈我無酒同誰斟
亭午蘊隆潭水沸蛟蜃下徙鼃鼃沉何況走原獸棲
枝禽嗚呼豫章之熱其苦有如此而我胡爲營營與

世淨華簪

白鹿洞別諸生

東南自有匡廬山，遂與天地增藩衛。山根插入彭蠡湖，崢嶸背殺三江勢。地因人勝古有語，於乎萬物隨興廢。學館林宮客不棲，千巖萬壑堪流涕。文采昔賢今尚存，講堂寂寞對松門。松門桂華秋月圓，拄杖高尋萬古源。梅嶺古色照石鏡，扶桑丹霞迎我軒。絕頂坐歌霜月淨，石潭洗足芝草繁。更有冠者五六人，峭崿窮嶂同攀攀。草行有時聞過虎，旦暮時復啼清猿。我今胡爲公務牽，蟋蟀在戶難久延。出山車馬走相送，落日遂上鄱陽船。生徒綣戀集涯澣，孤帆月照仍留連。情深過厚亦其禮，謏薄竊愧勞諸賢。明朝伐鼓凌浩蕩，五峰雙劍生秋煙。

豫章遇鍾子送贈

豫章八月江勢輕，水關行馬沙觜平。聞君纜舟挽君住，向夕惡風銀浪生。頃時收帆萬船集，波顛石倒蛟龍立。中流艤子獨何意，欹仄猶搖雙槳入。天清未風君已迴，帆色迢迢萬里來。拂衣漢口鳧鴈亂，擊榜南浦芙蓉開。漢口逢君又南浦，人生聚散風中雨。黃石公赤松子在何所，君今抽簪我簪組。

董公衙賞緋桃行

吁嗟董公垂老官，不遷途雖坎坷志不變。三歲提兵

兩列銜此事堪傷亦堪羨二月南風捲章水黃昏西
省開芳宴刑司軍司皆集衙盆中緋桃俄放花董公
捋鬚向客誇客起環視咸咨嗟情酣展轉移燈照酒
氣撲花花欲笑逢人合與世醅酌衰顏苦被春勾調
君不見玄都觀裏樹不與武陵源上殊時來開落各
異地董公董公今宵與客且倒花前壺

得家書寄兄歌

三年路遙消息阻緘書實凍兄心苦鴻鴈無愁奮翅
難鵲鴿且暫遊寒渚時望東湖西日微雪冬廬嶽北
心歸獨虞四海干戈滿生別悲傷見面稀

寄鄭生歌

南康烈風無時休將歸船滯增煩憂空城雪埋狐兔
走十日凍合鼉河洲廬山咫尺不得往汝在梁園獨
予想開緘嘆恨東遊阻琅玕天姥春空長

余鄒二子遊白鹿書院歌

洞原路水山徑微二子日遊過夜歸巖宮古刻徧覽
讀馬時蹉跌泥在衣頃來烈風號季冬雪霾不見五
老峰苦心數子守寂寞我病講堂虛鼓鐘二子此行
直特竒異時獨往今可知虎吟狐啼且不懼肯使揚
朱泣路岐

戲贈周紀善

廣文先生何爲者十欲出門九借馬只今徒步襄水

濱衰鬢漠漠常風塵鳳凰在笄鷄啄食苜蓿闌干半
青黑君不見楚筵醴罷暮歸來甌塵妻子無顏色

龍沙紆別袁生

君不見玉虛觀前松去年凍乾今復生樹靈力排雷
雨會榦大每與蛟龍爭下有萬古不定之龍沙風滾
無時休英雄奮發各有時運至賈販皆公侯腐草尚
爲螢何況堂堂七尺軀萬物之靈高牙大纛苟不我
石泉白雲誰復爭舉眼江漢鴻冥冥與爾倒此沙頭
瓶

潯陽寄毛君湖口

大江六月涼風發匡廬清波滾明月削出萬朵青芙
蓉水底搖動金銀闕美人盈盈坐湖縣昏叩石鐘曙
晞髮悵望迢迢碧雲合早晚扁舟向蠻越

鄭生山游歸予作此歌

跂予望之六六峰欲往爭柰今嚴冬石林崎嶇積雪
盛日中無煙虎豹病生也孤往胡所希凍攀幽嶮探
其微手皴面黑逾旬歸太室少室何者奇曾否首陽
歌采薇北邙逶迤清洛遠天白冰崇伊闕晚灞上騎
驢爾靡辱袁安高卧吾應酬忽然想生經行宋家陵
往來寂寞東西京翹首淚下嵩山青

丈人行

丈人九十牙齒存行曳竹杖挈玄孫只知灌園同漢

陰何須采藥游鹿門山房春歸碧草萋蕙帳月白露
滿蹊少微星沈湖水湧松林夜夜猿嘯啼

鶴癯子歌

鶴癯子汝人也而何爲乎鶴形美髯修修雙瞳青閉
肆夜讀黃庭經晨出荷鏡搗茯苓鶴癯子汝豈無萬
里骨刀劍翻路遙朋寡日云暮弱水蓬瀛壯心隔君
不見江中老龍亦高卧鶴乎鶴乎誰汝那

寄殷給事中歌

斑鳩賦形百鳥內化爲蒼鷹百鳥避秋空萬里試一
擊灑毛紛紛稱鷹意廻旋簸蕩風沙開海寧光清鸞
鳳來天地炯炯元精回此以贈君君母猜金陵雖隔

黃金臺汝翊紫蓋臨三台飛章御覽不十日道路聞
靜豺狼哀憶昔匹馬長安走殷何徐陸皆吾友楚姬
娉婷華色並殷生稜眉獨方口何郎短小亦不醜此
離今各經年久夢寐猶存上苑花飄零寂寞西湖柳
丈夫致身貴不朽陟要階華亦何有賈誼才名信早
知姚崇相位非難取大江滾滾東北趨群龍霜鷲
叫呼汝登鳳臺念老夫爲我致一鳳之雛我不敢玩
亦不敢狎誠心餽飼毛羽全使聽簫韶翔舜都

送田生赴京歌

正月八日天驟黃大風晝晦沙飛揚河水慄烈人不
行駕鵝鵠鴈交踉蹌黃鵠呼曹厲毛翼一舉橫天向

天北君不見左生北上田生俱長安走馬花九衢

送陳冠歌

虎子墮地氣已奮。驊騮汗血自爲駟。陳生垂髻骨即
殊。雙瞳炯炯唾成珠。前年汝與計吏俱。承明謁帝未
生鬚。丈夫志欲日月並。雲雨且使蛟龍湏。冬風獵獵
吹楚湖。憐汝送母催楚艫。調羹臘盡江門水。戲彩春
停汴上都。憶昔乘驄按南國。汝在諸生獨英特。三秋
自阻北飛鴈。萬里今逢舊顏色。私計彭宣晚必親。敢
言裴儉前能識。寒溫始知君子厚。杖屨番增世人惑。
匏子柳煙風日和。力疾送子臨黃河。汝親日望泥金
使。老夫擬作瓊林歌。

芝样行

崑崙子之來也。李子觴焉。及夜瓶芝自墮。以爲
样行觴焉。平可檠二觴行之。穩持之。輕容大駭。
笑歡盡醉。而李子賦詩。

霜嚴夜清月在南。燈明酒溫客氣酣。銅瓶玉芝鏗墮
地。客將傳玩誇神異。仰芝把蒂行金杯。蒼文古紫當
筵開。已驚激灑菡萏動。更詫屈錯蛟龍迴。憶芝初出
盤。精氣雲流石立矐。矐避赤箭琅玕色。盡枯神訶鬼
守求。非易泄秘真。遭天地。怒懷珍。顧使時人忌。自從
獲芝升我堂。琴書几席俱輝光。晴日徐看瑞氣合。炎
天每挹仙雲涼。燕山豪士來何方。悲歌起舞宵未央。

芝乎自銜亦太異頓令四座深杯觴觴行逶迤月轉
白月色芝光巧相射醅醕觸擊瑪瑙碎淋漓迸落真
珠赤君不見玉屈卮金叵羅珠花繡草枉自艷停杯
聽我芝样歌

空同先生集卷第十八

空同先生集卷第十九

北郡李夢陽撰

詩 七言歌行四十首

贈答二十四首

朝飲馬送陳子出塞 胡馬來再贈陳子

張將軍塞獵歌 送仝儀賓朝天歌

送田氏 贈鄭郎

太華山人歌 相逢行贈劉按察麟

王郎行 郭生行

結交行贈李沔陽 蕙苾行贈王氏

徒步東行贈鮑激

夏日田居蘇生攜酒見過

送人使安南

有鶴篇贈翟翁

賦得姑蘇臺送李推官士立

送王子歸鄆杜

贈鄭生

石峯子歌

寄寄庵子

龍仙引贈駱貞外

送李中丞赴鎮

雨燕醉歌

悲悼十首

結腸篇三首

哀才公

哭新縣

觀燈行

石將軍戰場歌

玄明宮行

康郎山歌

乾陵歌

雜體六首

劉子有金陵之差遂便觀省

送仲副使赴陝西

徐子將適湖湘余實戀戀難別走筆長句述

一代人文之盛燕寓祝望焉耳

龍州歌送沈編修使安南

漢江歌送范子之桂陽

聊城歌送顧明府

贈答二十四首

朝飲馬送陳子出塞

朝飲馬夕飲馬水鹹草枯馬不食行人痛哭長城下
城邊白骨借問誰云是今年築城者但道饜家別六
親寧知九死無還身不惜身為城下土所恨功成賞
別人去年賊掠開城縣黑山血迸單于箭萬里黃塵
哭震天城門晝閉無人戰今年下令脩築邊丁夫半
死長城前城南城北秋草白愁雲日暮鳴胡鞭

胡馬來再贈陳子

冬十二月胡馬來白草颼颼黃雲開沿邊十城九城
閉賀蘭之山安在哉傳聞清水不復守遊兵早扼黃
河口即看烽火入甘泉已詔將軍屯細柳去年穿
長城裏萬人齊出千人死陸海無毛殺氣蒸五月零

冰凍河水當時掘此云備胡胡人履之猶坦途聞道
南侵更西下韋州固原今有無從來貴德不貴險英
雄豈可輕爲謨尚書號令速雷電抱玉誰敢前號呼
遂令宵旰議西討茲咎只合歸吾徒我師如猛將如
虎九重按劍赫斯怒惜哉尚書謝歸早不覩將軍報
平虜

張將軍塞獵歌

將軍堂堂七尺軀虎頭昂藏紫虬鬚據鞍笑撚金僕
姑弦鳴仰墮雙飛鳥南平川漢北殲胡蛇矛卧地刀
劍蕪朔風吹霜塞草落馬騰士奮干狩作將軍夜令
晨步同磧沙黃黃日色薄部下遊擊五千人競時爭

能各有神驅飛翼走入我網千隊萬隊何駢駢氣酣
前赴逞一決零亂旌旗倏明滅殺氣上回靈武雲火
烈直透天山雪張公觀此番逡巡紅衣白馬如神人
衣也蟠蟒金麒麟朝廷所賜榮功臣擲頭報捷者誰
子手提禽獸血滿身生截羆豹鬣雉鷄中軍小校額
抹巾見之一騎風起塵左射奔鹿右斃豕更追狡兔
趨窮榛張曰於乎奚用是昊天肅殺存至仁撻金按
節止中野燭臚包鮮燕蒐者禮樂行軍分自嚴賞罰
正簿誰能假何地真收吐谷駝一卒乃獲大宛馬長
城窟水胡鴈稀輕輦緩吹諸部歸懸戟慘淡鴉鳥委
毳鞍礮礪熊兕肥少年猶忿殺獲微翻身殼弩追雲
烽烟起

送全儀賓朝天歌

風吹黃塵暗河甸行子拍馬來相見春寒晝陰沙冥
冥九衢散亂花如霰自言手捧紫瑤函馳輶謁帝黃
金殿甥壻當朝禮覲同往來遣答猶親面南陽貴人
骨固殊敦親倍錫明光宴八議輕微實惋惻時情詎
識皇心眷開函爛熳百色備龍盤鳳曲流雲氣綉女
咨嗟鋪緒工體裁昭合三宮意吳羅疊雪祗懷赧南
金象齒堪沉避自離京國十年餘每懸金闕憶金魚

班行日侍諸王聘混一會瞻萬國書君過上林聊駐
車春風舊樹花應舒有暇更欲問西湖掃地垂楊今
有無

送田氏

寒城野霜鴻嗷嗷羊腸木零熊豹號彼汾沮如望心
勞葭菼委折風波濤山西刑司氣何豪西邁白日行
旌施七星如如明佩刀君不見黃河飛雲立如蓋一
鷲乘之向并代

贈鄭郎

郎來張拱向我揖玉樹亭亭我旁立叩之論語背誦
畢曲禮幼儀汝能習黃河柳綿飛欲盡練水桐花放
將及汝父昨來今汝歸有琴在抱書在笈君不見師
山後人代非乏勉旃無効群兒狎

太華山人歌

山人昔居太華峯結屋玉井餐芙蓉夜隨金精朝白
帝誤搗天鼓撞鴻鐘帝怒謫之荒江濱淚添江漢齊
朝宗閶闔九重豹虎蔽霜雪十年鴻鴈冬江邊諸山
不可眼夢寐猶跨雙茅龍有時夢到西嶺坐環海內
物盡么麼一線黃天涇渭流拳石白晝岷峨破翳鳳
驂鸞覲玉京羽節雲輶度婀娜織女虛無指前路沐
髮有盆不借我山鬼含笑倚巖立仰看明星斗如大
猿啼蛇吟萬壑靜山人歸來淚交墮

相逢行贈劉按察麟

一別六年不相見風塵歛靚劉郎面西關官亭車馬
都使君驄馬朱雀符有虔秉鉞映交衢把臂道故情
鬱紆仰視高天白日徂憶昔同殿含香趨萬事反覆
難具鋪秋風颭颭響枯樹蛟龍立闕黃河怒舟子無
憂旬浹阻大夫且試登高賦城南柳徑梁王苑廟門
書院松林晚此時與子臨高臺邊侯綺席金尊開芒
碭微雲氣出沒但見悲風萬里從東來寒空孤鴈叫
且哀鶉鷄鼓翅號其儕飛沙激霧相徘徊願賓與主
酩酊歸不見昔時杜甫與高李三子者氣壓百代今
塵埃

王郎行

王郎行者贈王氏二郎者也王郎將試於有司
予於是賦王郎行贈焉夫子賤君子稱之魯碩
人族類彰諸詩蓬麻自直事有本因予故侈其
家世并及其父子兄弟之間

將軍開國弓劔傳子孫章甫能朝天相國沉冥二十
年懷寶弗售人所憐飛纓躍馬赫動地公也視之如
浮烟雅歌日醉金尊前生有三男子不令學劔令青
編大郎早躡黃金榜聲名佐郡青雲上二郎穠鬱更
英特掇青拾紫猶翻掌三郎年十餘頭顱角嶄如拱
立向人前解背經與書二郎昨別我云將還故鄉馬

蹄馳逐秋槐黃龍泉出匣光自射驊騮歷塊疇能當
連翩騎從喧皇州春風紫陌行鳴騶生兒當如孫仲
謀于嗟相國胡所憂濁醪惟恨不滿甌聽我王郎行
我行還自歌何以贈之珊瑚柯又何贈之玉山禾願
郎歸白玉珂

郭生行

君不見大梁郭生少小能英奇生長富貴心寒飢兀
坐日誦書與詩下究王伯上軒羲郭生有父王國賓
有母食邑稱之君鯉庭獨立猶詩禮熊膽親丸或夜
分生有兩男子大者覽輝起次者郭生鼓翅亦上青
霄裏憶昔匹馬走燕甸長安三月花如霰射策曾登
金馬門垂衣 帝在蓬萊殿三十年間萬事變後生
袞袞蜚英彥結綬初誼東閣賓彈冠復報南州薦太
平旣極邊功開武帝射蛟江未迴上林會有誇胡獵
願生早試長楊才

結交行贈李沔陽

古人結交如種稷今人當路栽荆棘世間萬事各有
極人生何必相傾反君不見李沔陽五馬昨朝天天
冰地裂衝寒煙三月不遇見天子歸途困頓心憂煎
南行波濤值洶湧蛟龍失勢鼉鼉踊留滯聊栖梁孝
臺醉歌真據侯嬴塚却憶當年侯未鬚識者盡道驊
騮駒落筆遽掩羽獵作挺身遂上青雲衢百戰不侯

李廣辱一麾出守延之吁峽霾光射卞和王月明淚
迸鮫人珠李沔陽汝無學雲夢吞亦莫效江南哀六
龍挽車日月輪萬里簸蕩風沙開棄君舟楫理銜轡
有人物色騰驥材

蕙苴行贈王氏

南征馬援還東都人言滿載皆明珠發封視之乃蕙
苴群臣失色天子吁世情毀譽本好惡後生輕信迷
真誤暗投固宜明月棄同居豈免娥眉妬自君夙夜
歌在公尊中醴酒常不空德尊日見兒孫盛名成反
致讒邪攻雖云喬樹多烈風曷有寸霧殘高空君不
見周時吉甫稱大賢孔門弟子推顏淵掇蜂拾塵尚
見惑豈我千得無一愆君堂有客俸有錢槐庭偃蹇
花含烟胡不酩酊金壘前萬事置之休問天

徒步東行贈鮑激

鮑生六月徒步東久曠赤日昏沙風旦行眼眩扶桑
紅足疲暮憇空桑中帽浥衣沾乾復濕必逢佳樹始
一立道傍有驢無錢騎短詠微吟口翕戢杜甫遺詩
人罕全鮑生記之將及千論工尚恨黃初淺泥古常
卑大曆前豈知才大番爲崇臨岐獨下揚朱淚鹽車
雖蒙苴弊辱長鳴未折風雲氣生今坎壈三十年同
時細估豪熏天出門寶馬雙翩翩道逢鮑生不舉鞭
生不見五穀大夫歌屢屢商歌飯牛聲夜非賢達困

窮何代無。仰視萬里浮雲徂。

夏日田居蘇生携酒見過

疾風六月樹枝折。火雲纍纍白絮裂。城南老夫正高
卧。荒郊款段蘇生過。塵埃滿面鬢髮亂。手携清壺來
餉我。季子才名三十年。射楊百發百葉破。逢時幸首
南宮薦。塌翮尚忍西山餓。丈夫生世古難同。蘇也巷
西我巷東。追尋不計襍穢熱。淹留祇恨金尊空。君不
見。昨朝雷雨今則風。世事反覆誰豫通。得時無誇好
身手。失意豈必皆愚蒙。野池紛披蓮半紅。黃鸝嚙語
空林中。勸子盡醉休匆匆。人生幾何吾已翁。

送人使安南

安南陪臣騎馳突。歌吹春喧洱水窟。蛟潭飛雨動霹
靂。島城毒雲開日月。黃門使者白澤袍。南來氣與秋
天高。當今天子古聖人。諭爾歲事勤包茅。永令炎海
無波濤。

有鶴篇贈翟翁

有鶴褊褊海上來。乘風爰止梁王臺。洪河怒濤野蕭
瑟。含情顧影却飛迴。十洲來往群仙戲。舉身上下隨
雲氣。君不見夜來東海頭。南極一星光照地。

賦得姑蘇臺送李推官士允

少年何官騎白馬。秋日經過古臺下。回瞻遠慮意撼
促。下馬行歌淚盈把。猗嗟築此誰爲臺。千年棄土猶

崔嵬廩廊娃館瓦礫積美人白骨生青苔枯蒿虫吟
莽颺颺飛雲叫鴈雙徘徊當時金屋玉起樓豈謂臺
成糜鹿游寶鈿黃金裹瑟瑟雨時濯出樵人收李生
豪士扶風儔悲歌久抱流連憂世家各讀日一過獨
廢吳越傷春秋復思鴟夷氣益奮怒目每送長濤流
抉眼東門事已往茲臺再過君休上日暝煙波湖水
深范歸恐有同行漿

送王子歸鄆杜

賢兄已上蒼龍閣。令弟猶甘飽藜藿。膝下雖無一寸
綬。腰間常吼千金鏑。騎驢狂走長安市。酣歌擊缶白
日落。黃金不成徒自嘆。烏裘脫盡那堪着。道逢石室
舉鞭揖。謂爾骨相殊不惡。終南鄆社豪俠窟。從來意
氣無京洛。歸家早鑄雙玉龍。提携來獻明光宮。

贈鄭生

狐裘騶馬誰家子。往來馳驟塵沙起。右撚羽箭左把
弓。仰射忽墮雙飛鴻。野寒日昏慘慘風。下馬揖我立
我東。一箭直西貫楊樹。抽身上馬入城去。

石峯子歌

石峯子。昔住石峯山。茅堂巖壑豁。研間松孤桂叢白
日靜。坐玩碗礪聆潺湲。石峯子。懸鸞觀帝今幾秋。狄
猿哀嘯鴻鵠愁。頃爲四岳振南州。珠崖瓊海毒厲收。
丹穴有鳳鳴啾啾。願子早致儀西周。經過舊山莫掩

留君不見舊山頭
萬壑蔽翳寒泉流

寄寄庵子

寄庵子嘗曰人生寄爾然利孰與義安慙孰與美
義臭孰與芳永庫部駱子以其言告李子李
子曰卓哉張子持此於天下誘之能移撼之能
動乎能招之來麾之去乎於乎張子者足以荷
天下之重矣於是作寄寄庵子詩

嚶其鳴矣彼何求天下願識韓荆州心傾義投神便
往萬古不廢江河流張侯崛起西南裔覽輝振翮風
雲際鉤陳蒼涼閭闔閉排闥直謁蓬萊帝豸冠峩峩
不動紳挺身遂作蘭臺賓竊憤辛裾謂渙忍誓與朱

檻爭嶙峋已看驀裏狹道路復訝鷓鴣卑風塵霜飛
維揚海月苦陽行沮洳汾花春還朝袞衣換日月立
仗正色措星辰行步既工馬從瘦諫草每就雞將晨
餘力猶馳翰墨圃先秦兩漢文心苦壯志真趨劔閣

銘張孟

幽懷緬擬歸田賦

張平

拖朱響玉豈不足覩

面徒餐竟何補及時願作朝陽鳳不然退與魚樵伍
予也綸竿孟諸客心本無他衆莫白李白世人欲殺
之蘇軾能詩遭貶斥雷劔雖埋光在天下玉未剖終
爲石垂老重逢四海清虛名幸免諸公擲思君欲追
嵇呂駕贈言輒踐回由迹顏淵有田負郭不餓死且
自射獵芒碭澤

龍仙引贈駱負外

劫士狹四海萬古一大夢俗夫醯雞耳生死不出雍
滅沒等蒿草勞勞竟焉田君求勾漏學稚川往來棲
息羅浮烟自從異人授丹訣行地乃作飛龍仙左携
浮丘右洪厓樗里景純執我鞭崑崙嶺岍倚天外黃
河九曲如衣帶南支江湖楚蜀匯北支嶮塞華夷界
少時振衣登賀蘭開眼已無西北山中年謁帝聽廣
樂曳裾赤手握天關朝攬金臺雲夕披玉峯霧翔鸞
鏘鏘導前路左蹲文豹右伏虎旌幢旖旎雜翠葆龍
兮龍兮汝雖變化叵測慎無使頭角露祥麟威鳳世
見希泄秘盡巧鬼神怒深山大澤多戢麟龍也穆沕
幸自珍緜城玉笙兩鶴舞太室珠樹三花春從茲謝
人放浪去笑誇白鹿乘飈輪

送李中丞赴鎮

黃雲橫天海氣惡前飛鶯鶯後叫鶴陰風夜撼鑿巫
閭曉來雪片如手落中丞按轡東視師躬歷嶮隘揮
熊羆已嚴號令偃鼓角更掃日月開旌旗椎牛李牧
將士躍射虎李廣匈奴知屯田金城古不謬賣劍渤
海今其時塞門蕭蕭風馬鳴長城雪殘春草生低飛
鴻鴈胡沙靜遠道鯨鯢瀚海清不觀小范擒戎日誰
信曾中十萬兵

雨燕醉歌

迅雷擊城鴉欲翻黑雲壓天白晝昏展席斜對城南
門長安大雨如傾盆我馬已惜錦障泥主人况具黃
金尊睥睨將將下萬瀑龍蛇縉縉動高壁出門牛馬
不復辨炎霧毒蒸靜如拭酒酣爲君如意舞夕雨轉
急風轉怒祗恐谿壑受不得海倒江翻亦難測

悲悼十首

結腸篇二首

李子曰結腸之事蓋予妻亡而有此異云奠妻
以牲烹腸焉腸自毬結李子異焉曰胡爲烹胡
爲結恍惚神恠孰主孰使厥理孰測恠邪德邪
生有所難明死託以暴衷邪嗚呼嗚呼作結腸

篇焚妻柩前妻固識文大義或亦契其冥懷也
哀者且停聲弔客坐在堂聽我結腸篇曲短哀情長
五月廿七吾妻亡厥明奠之羅酒奠其牲伊何積與
羊痛哉金釐結積腸神靈恍惚心傷肉毬出
中湯左迴右盤準流黃經緯纏糾文陰陽底形井字
圍兩旁翼翼彷彿雙鳳凰有綏在下纍而長上有提
襟五寸強汝乎無意豈爲此呼汝欲問魂茫茫十呼
不應百轉咽腸乎腸乎爲疇結

二

結腸結腸忍更聞妾年十六初侍君父也早逝母獨
存爲君生子今有孫昔走楚越邁燕秦萬里君寧恤

婦人外好不補中苦辛中年得歸計求父命也百病
攢妾身言畢意違時反唇妾匪無迂君多墮中腸詰
曲難爲辭生旣難明死詎知千結萬結爲君爾君不
妾知腸在此

三

結腸三閔聲更咽汝腸難解我腸結夙昔失意共奔
走汝實千辛我蹉跌宕歸家定今稍寧豈汝沉繇遽
離絕魂乎魂乎游何方兒號女哭週汝旁劇心飲泣
看彼蒼愚者何壽慧何亡佇立逶迤若有望迫而即
之獨空床梁間二燕哺子急觸落青虫汚我裳錦衾
塵埃委鴛鴦總惟中夜風琅琅魂驚夢搖中慘傷陰

雨啾啾燈無光嗚呼此曲不可竟爲君賡歌妾薄命

哀才公

正德己巳年作此公嘗薦余故有國士之感

仲冬東南天鼓鳴我軍滅胡功可成道之將行歲在
巳星落轅門悲孔明尚書頭顱血洗箭馬革纏屍亦
堪羨夷門野夫國士流痛哭天遙夜雷電

是月雷電屢作

哭新縣

是時新設萬年縣新民反覆殺副使李情靈寶
人也

苦死可憐靈寶子有官十數同時死四路蕭蕭人斷
行一軍盡驚床夜徙新民反覆誰不知性實虎豹侔

蠖蟻白金綵段縱寬汝朝廷有問將何以

觀燈行詳見夢華錄

宋家累葉全盛帝寬大實皆稱令主百姓牛馬徧阡陌太倉米粟憂紅腐宣和以來遂多事嗚呼爛費如沙土海石江花湧國門離官別殿誰能數群臣諛佞抵自計天下騷然始怨苦正月十四十五間有勅大駕觀鰲山萬金爲一燈萬燈爲一山用盡工匠力不破君王顏此時上御宣德門樂動簾開見至尊奔星忽經於御榻明月初上堆金盆傾城呼噪聲動地可憐今夜鰲山戲窈冥幻巧百恠聚金蛾翠管堪垂淚借問幸臣誰云是李師師外有蔡京與蔡攸夾樓錦

幄羅公侯丞相之幄當前頭奚兒腰帶控紫騮如花少女擎綵毬但聞樓上喚樓下黃帕籠盤賜玉羞月高鳴鞭至尊起幄中環珮如流水爭道齊驅蓋路窄寺橋窈窕塵埃白火樹龍燈又一時千光萬焰天爲赤常言宴安成禍基從來樂極還生悲君看二帝蒙塵日數月東京荒蕪藜

石將軍戰場歌

清風店南逢父老告我已巳年間事店北猶存古戰場遺鏃尚帶勒王字憶昔蒙塵實慘怛反覆勢如風雨至紫荆關頭晝吹角殺氣軍聲滿幽朔胡兒飲馬彰義門烽火夜照燕山雲內有于尚書外有石將軍

五家官軍若雷電。天清野曠來酣戰。朝廷旣失紫荆關。吾民豈保清風店。牽爺負子無處逃。哭聲震天風怒號。兒女床頭伏鼓角。野人屋上看旌旄。將軍此時挺戈出。殺胡不異草與蒿。迨北歸來血洗刀。白日不動蒼天高。萬里烟塵一劔掃。父子英雄古來少。天生李晟爲社稷。周之方叔今元老。單于痛哭倒馬關。羯奴半死飛狐道。處處懽聲噪鼓旗。家家牛酒犒王師。休誇漢室嫖姚將。豈說唐朝郭子儀。沉吟此事六十年。此地經過淚滿巾。黃雲落日古骨白。沙礫慘淡愁行人。行人來折戰場柳。下馬坐望居庸口。却憶千官迎駕初。千乘萬騎下皇都。乾坤得見中興主。日月重開再造圖。梟雄不數雲臺士。楊石齊名天下無。嗚呼楊石今已無。安得再生此輩西備胡。

玄明宮行

今冬有人自京至。向我道說玄明宮。木土侈麗誰辦此。乃今遺臭京城東。割奪面勢創截業。出入日月開帡幪。矯托敢與天子競。立觀忍將雙闕同。前矻石柱雙蟠龍。飛梁逶迤三彩虹。寶構合香殿。其後儼如山。嶽翔天中金銀爲堂玉布地。千門萬戶森相通。光景閃爍倏忽異。雲烟鬼恠茫杳濛。以東金榜祠。更侈樹之松。擗雙梧。桐溟池。島嶼鱣鯉躍。孔雀翡翠燕。羆熊那知勢極有消歇。前日虎豹今沙虫。總扉自開衛不

守人時遊玩搖玲瓏陞隅龍獸折其角近有盜換香
爐銅青苔生泥獍面鎖野鶴哺子雕花櫳憶昔此闈
握乾柄帝推赤心闈罔忠威刑霹靂縉紳毒自尊奴
僕侯與公變更累朝意叵測培克四海真困窮長安
奪第塞巷陌心復豔此闈何蒙構結擬絕天下巧搜
剔遂盡輸倖工神廠擇木內苑竭官阮選石西山空
夷墳伐屋白日黑揮汗如雨斤成風轉身唾罵闈得
知退朝督勞何匆匆人心嗟怨入骨髓鬼也孰復安
高崇峩碑照耀頌何事或有送男充道童聞言愴惻
黯無答私痛聖祖開疆功渠干威福開者誰法典雖
嚴柰怙終錦衣玉食已叨竊琳宮寶宇將安雄何宮

不鐫護勅碑來者但看玄明宮

康郎山歌

君不見康郎山屹立東湖中波濤撼蝕山脚塌破廟
枯木常烈風芒碭草昧赤帝出揮劍遂使凡蛇空卧
榻之外事亦小萬方有罪惟朕躬美姬寶玉歸御幄
浮屍蔽江江水紅發踪劉陶固其力死戰難言非數
公秦人枉哭嶠函瘞漢祖輕酬垓下功至今有廟此
山側天陰雨濕時見朱旗白馬光如虹

乾陵歌

武后陵黃巢伐之
事具雪航膚見

九重之城雙闕峙前有無字碑突兀雲霄裏相傳翁
仲化作精黃昏下山人不行蹂人田禾食牛豕強弩

射之妖亦死至今剝落臨道傍大者虎馬小者羊問
此誰者陵石立山崔嵬銅鐵鋼重泉銀海中紫迴巢
也信力何由開君不見金棺玉匣出人世薔薇冷面
飛塵埃百年枯骨且不保婦人立身何草草

雜體六首

劉子有金陵之差遂便覲省

使君昔居紫荆關日登燕嶠望吳山逢人顏色鬱黯
黯對酒涕泗交潺湲使君南向金陵去孤帆夜拂春
天樹旅枕常欹月落時夢魂先到雲飛處楊子江頭
青草斜大孤山前開杏花行人三月重回首游子一
年初到家出門烟草滿芳甸鳳凰臺接麒麟殿遊陌
聯翩追宿娛墨塲婉孌羅賓燕人生意氣無南北白
馬青袍動江色即看艤舸石頭城還聞稅鞅鐘山側
鐘山萃嶽壓秦淮燕趙風雲入望來芙蓉秋鴈多愁
思問君何日錦帆迴

送仲副使赴陝西

驄馬白玉鞍長鳴下雲端今朝發汴水何日到長安
孝王臺前雪如山垂楊掃地春風還使君不帶冰霜
色却帶春風入漢關相思明月樓西望古秦州河南
咫尺不可見何況千山萬水頭西望秦州是我鄉隴
樹秦雲空斷腸褰帷杖鉞經行地欲寄雙魚到慶陽
徐子將適湖湘余實戀戀難別走筆長句述

一代文人之盛。兼寓祝望焉耳。

崢嶸百年會。浩蕩觀人文。建安與黃初。叱咤皆風雲。
大曆熙寧各有人。戛金敲玉何繽紛。高皇揮戈造
日月。草昧之際崇儒紳。英雄杖策集軍門。金華數子
真絕倫。宣德文體多渾淪。偉哉東里廊廟珍。我師崛
起揚與李。力挽一髮回千鈞。天球銀甕世希絕。鰲掣
鯨翻難具陳。洪川無梁不可越。日暮悵望勞余神。徐
郎生長蘇臺陰。二十作賦雄海濱。竭來抱玉叩閭闔。
長安繡陌行麒麟。是時少年誰最文。太常邊丞何舍
人。舍人飄飄使南極。直窮金馬探瀘津。爾雖不即見
顏色。夢中彷彿形貌真。余也潦倒簿書客。諸公磊落

清妙身。大賢衣鉢豈虛擲。應須爾輩揚其塵。休令黼
黻然岑寂。要與琬琰增嶙峋。海陵先生雅愛士。晚得
徐郎道氣伸。喬王欵接雖不數。邇聞亦欲來卜隣。驂
騶造父兩相值。一瞬萬里誰能馴。都門二月芳草發。
御溝楊柳垂條新。徐郎綰牒將遠適。使我旦夕生悲
辛。為君沽酒上高樓。月前醉舞梨花春。天明掛帆向
何處。鴻鴈哀鳴求故羣。南登會稽探禹穴。西浮湘水
吊靈均。洞庭波寒木葉下。峽口風急猿嘯聞。司馬太
史有遺躅。歸來著書追獲麟。

龍州歌送沈編修使安南

龍州南接六那溪。白鷗黑猿相間啼。烏蠻灘頭苦竹

密伏波廟前春日西揚旌走馬迎天使擁節封王壯
漢儀試向殊邦觀禮樂交南元是舊邊徼


漢江歌送范子之桂陽

漢江江上鷓鴣鳴漢江游客無限情青山落日下帆
影芳草月明聞櫂聲黃鶴磯頭暮雲盡鸚鵡洲邊春
水生莫倚仲宣能作賦洞庭南接桂陽城

聊城歌送顧明府

聊城壘壘枕桑野使君懷古聊城下龍蛇慘恻七雄
鬪當時誰是排紛者海東隱淪難見面平原不見安
平元已開笑却邯鄲軍還遺書飛燕將箭平生急難
輕列侯功成豈必千金酬只今往迹浮雲盡遙矚滄

溟日暮流



小
冊
集
卷
之
九

三
上
言

